

1855. frá því, að þar eð það flýtur af sjálfu sjer, að kostnað
 14. maí. þann, er þetta skipulag út heimtir, og annað er leiðir af lög-
 unum 15. apríl f. á., verða landsmenn sjálfir að bera, og hann
 verður ekki talinn með ríkisútgjöldum, hefi jeg látið semja
 frumvarp um, hvernig þess konar gjöld skuli greidd, til að
 leggja fyrir alþing það er haldið er í ár.

Þar sem herra amtm. að endingu í áður nefndu brjefi
 yðar 5. desember f. á. hafið vísað til brjefs frá yður til stjórn-
 arinnar 2. október 1851 um að kaupa á opinberan kostnað
 Oddeyri við Akureyrar kaupstað, vil jeg ekki undan fella að láta
 yður vita, að stjórnin því síður getur gengið að þessu, þar eð
 álíta má, að búið sje nú, síðan að verzlunarlög 15. apríl f. á.
 komu út, að sleppa því, er stjórnin áður ætlaði sjer, að gjöra
 hin helztu kaupþín á Íslandi að kaupstöðum.

15. maí. 19. Brjef hinnar íslenzku stjórnardeildar til allra pró- fasta á Íslandi um fólkstölu.

Eptir skýrslu ríkisfræðisdeildarinnar var allt fólk talið í
 Danmörku 1. febrúar þ. á., en þar eð sá dagur þótti miður
 hentugur, eptir því sem til hagar á Íslandi og hinum öðrum
 norðlægu undirlöndum, er þar ákveðið, að telja skuli fólk þar
 1. október næstkomandi. Á Íslandi þótti best henta, viðlíka
 og gjört hefur verið í Danmörku, að telja eptir sóknnum, þannig,
 að hver prestur láti hreppstjóra eða annan hæfan mann í sókn-
 inni skrifa upp á eyðublöð, er til þess eru ætluð, innbúa sókn-
 arinnar, og skal þar til færð tala heimilanna, nöfn manna, aldur,
 staða o. s. frv., og að presturinn eptir töluskrám þeim, er hann
 þannig hefur fengið, semji höfuðtöflur um fólkstöluna í sókn-
 inni, og sendi síðan hinar áður nefndu töluskrár og sóknartöflur
 hlutaðeigandi prófasti, er sendir þær ásamt töluskrám og höfuð-
 töflum fyrir sína eigin sókn, beinlínis til undirskrifaðrar stjórn-
 ardeildar. Það þótti enn fremur rjettast, að fólkestalan sje tekin
 eins og hún er 1. október þ. á., svo að af töflunum megi
 sjá hve margt fólkið er í raun og veru nefndan dag.

Um leið og herra prófastinum eru nú send hjá lögð exmpl. af reglum, skýrsluformum og eyðublöðum, sem gjörð eru á íslenzku, og í flestum atriðum er samkvæmt því sem farið er eftir þegar talið er fólk í hjeruðum í Danmörku: 1855.
15. maí.

- 1) Reglur fyrir því, hvernig semja eigi sóknatöflurnar yfir fólksfjöldann,
- 2) Skýrsluform til fólkstalsins á Íslandi 1. október 1855,
- 3) Skýrsla um fólkstal,
- 4) Fólkstaltöflur, er prestar eiga að gjöra aðalsóknatöflurnar eftir,

eruð þjer beðnir að úthluta þeim meðal prestanna í yðar prófastdæmi, eins og með þarf fyrir hverja sókn. Eins og maður vonast eftir, að þjer hafið gætur á, að mál þetta fái hæfilegan framgang, eftir hinum áður greindu reglum, og að svara fyrirspurnum prestanna, ef nokkrar verða, um rjettan skilning á reglunum — og sendast yður því til samanburðar, ef einhver vafi kynni að verða á, 2 exmpl. af áður nefndum reglum um manntal í hjeröðum í Danmörku o. s. frv. —, eins eruð þjer beðnir að láta yður einkar annt um, að skýrslurnar og fólkstaltöflurnar fyrir allar sóknirnar verði sendar hingað með póstskipinu, sem fer frá Íslandi 1. marz næstkomandi.

20. Brjef innanríkisstjórnarinnar til stiptamtannsins og amtmannanna á Íslandi um tollseöla. 19. maí.

Eptir að hafa ráðgazt um við innanríkisstjórnina hefur hin konunglega aðaltollstjórn gjört þann úrskurð, að í tollskrám til Íslands sje það skilyrði tekið fram með berum orðum, að hlutaðeigandi lögreglustjóri í Íslandi gefi skipstjóranum vitnisburð um, að farmurinn sje skipaður upp, og skuli skipstjóri fá vitnisburð þenna í hendur hlutaðeigandi tollhúsi, samkvæmt tilskipun 1. febrúar 1797, 303. gr.

Frá þessu er herra stiptamtanninum (amtmanninum) skýrt til vitundar og auglýsingar fyrir hlutaðeigandi embættismönnum í yðar umdæmi.